



Na osnovu člana 3. Zakona o finansiranju političkih stranaka (Službeni glasnik BiH 95/12), člana 18. Statuta Općine Maglaj («Službene novine Općine Maglaj», broj:8/07, 3/08 i 6/08) i člana 32. Odluke o izvršavanju Budžeta Općine Maglaj za 2020. godinu, broj: 02-05-1-2644/19 od 19.12.2019.godine, Općinsko vijeće Maglaj na svojoj redovnoj sjednici održanoj dana _____2020.godine, donosi

ODLUKU
o kriterijima, mjerilima i načinu finansiranja
parlamentarnih grupa političkih stranaka i samostalnih vijećnika u 2020. godini

Član 1.

Ovom Odlukom utvrđuju se kriteriji, mjerila i način raspodjele sredstava Budžeta Općine Maglaj za 2020. godinu namijenjenih za finansiranje parlamentarnih grupa političkih stranaka i samostalnih vijećnika.

Član 2.

Sredstva utvrđena u Razdjelu 10, Glava 101 Budžeta – Općinsko vijeće, Pozicija „Transfer i finansiranje parlamentarnih grupa političkih stranaka“ i samostalnih vijećnika - rasporedit će se prema slijedećim kriterijima:

1. Sredstva se raspoređuju na korisnike, tako da se 30% sredstava raspoređuje jednako svim parlamentarnim grupama političkih stranaka.
2. 60% od ukupnog iznosa sredstava se raspoređuje parlamentarnim grupama političkih stranaka i samostalnim vijećnicima u Općinskom vijeću, srazmjerno broju vijećničkih mjesta, koje svaka parlamentarna grupa političke stranke i samostalnih vijećnika ima u trenutku raspodjele.
3. 10% od ukupnog iznosa se raspoređuje parlamentarnim grupama i samostalnim vijećnicima srazmjerno broju vijećničkih mjesta koja pripadaju manje zastupljenom spolu.

Izveštaj o broju i rasporedu vijećnika po parlamentarnim grupama političkih stranaka i samostalnih vijećnika dostavit će Služba Općinskog načelnika i Općinskog vijeća Službi za privredu, finansije i razvoj poduzetništva u roku od deset dana od dana donošenja ove Odluke.

Političke stranke i samostalni vijećnici obavezni su dostaviti spiskove vijećnika koji čine parlamentarnu grupu stranaka u Općinskom vijeću.

Član 3.

Isplata sredstava planiranih u Budžetu za 2020. godinu korisnicima će se vršiti u skladu sa članom 2. ove Odluke i to sa transakcijskog računa Budžeta Općine Maglaj na transakcijske račune političkih stranaka i samostalnih vijećnika.

Odluku o rasporedu i isplati sredstava korisnicima za 2020. godinu, donosi Načelnik općine u skladu sa ovom Odlukom.

Član 4.

Za realizaciju ove Odluke zadužuje se Načelnik općine, Služba općinskog načelnika i općinskog vijeća i Služba za privredu finansije i razvoj poduzetništva.

Član 5.

Ova Odluka će se primjenjivati od 01.01.2020.godine i biti će objavljena u «Službenim novinama Općine Maglaj».

Broj: 02-05-1- /20
Maglaj, 2020. godine

PREDSJEDAVAJUĆA
Svjetlana Zamboni

O b r a z l o ž e n j e

PRAVNI OSNOV :

Pravni osnov za donošenje ove Odluke sadržan je u članu 31. Odluke o izvršavanju Budžeta Općine Maglaj za 2020. fiskalnu godinu.

RAZLOZI ZA DONOŠENJE :

Općinsko vijeće Maglaj je na sjednici dana 19.12.2019.godine razmatralo je Budžet Općine Maglaj za 2020.godinu. Pored ostalog, ovim Budžetom su predviđena sredstva za finansiranje parlamentarnih grupa političkih stranaka i samostalnih vijećnika za 2020. godinu. Članom 31. Odluke o izvršavanju Budžeta Općine Maglaj za 2020.godinu utvrđeno je da Općinsko vijeće svojom odlukom utvrđuje kriterije i mjerila za finansiranje parlamentarnih grupa političkih stranaka i samostalnih vijećnika, čije finansiranje se obezbjeđuje kroz Budžet Općine Maglaj.

OBRAZLOŽENJE POJEDINIH ODREDBI ODLUKE:

Članom 1. Odluke utvrđuju se kriteriji, mjerila i način raspodjele sredstava Budžeta za ovu namjenu.

Članom 2. Odluke definiše se da će se opredijeljena sredstva rasporediti na korisnike tako da će 30% od ukupnog iznosa sredstava biti raspoređeno jednako svim političkim strankama koji su dobile status parlamentarne stranke u Općinskom vijeću, a preostalih 60% prema broju vijećnika koliko svaka parlamentarna grupa ima u Općinskom vijeću i samostalni vijećnici, a 10% ukupnog iznosa raspoređuje parlamentarnim grupama i samostalnim vijećnicima, srazmjerno broju vijećničkih mjesta koja pripadaju manje zastupljenom spolu.

U članu 2. se navodi obaveza dostavljanja spiskova radi utvrđivanja parlamentarne grupe i samostalnih vijećnika, a mogu se koristiti već dostavljeni spiskovi, ukoliko nije bilo izmjena u sastavu parlamentarne grupe i samostalnih vijećnika.

Članom 3. ove Odluke definisano je da će se utvrđena sredstva transferisati na transakcijske račune političkih stranaka i samostalnih vijećnika.

Stavom 2. ovog člana definisano je da će u skladu sa ovom Odlukom Načelnik općine donijeti Odluku o raspodjeli i isplati sredstava korisnicima koja će se primjenjivati za cijelu 2020.godinu.

FINANSIJSKA SREDSTVA:

Za realizaciju ove Odluke planirana su finansijska sredstva u Budžetu Općine Maglaj za 2020.godinu.

Obradivač:

Nisveta Bašić

Viši referent za administrativno tehničke poslove

Kontrolor:

Emina Hasanić, dipl.pravnik

Stručni savjetnik za poslove Općinskog vijeća i općinskog načelnika